

**"BH TELECOM" d.d. Sarajevo, ulica Franca Lehara br. 7, koga zastupa direktor Direkcije g-din mr. Kemal Avdagić, dipl.ing.el. po ovlaštenju generalog direktora g-dina Mirsad Zaimovića, dipl.ecc. (ovlaštenje broj: 01-2.3-23442/16 od 28.10.2016. godine), (u daljem tekstu Prodavac) i**

**KANTON SARAJEVO, Stručna služba za zajedničke poslove Kantona Sarajevo, ulica Reisa Džemaludina Čauševića br. 1, koju zastupa načelnik g-din Fikret Jašarević, (u daljem tekstu Kupac) sklapaju slijedeći**

## **U G O V O R**

### **o uvjetima kupoprodaje robe**

#### **Član 1.**

Ovim ugovorom ugovorne strane utvrđuju prava i obaveze vezane za prodaju i kupovinu „punjenja za ultra kartice“ za potrebe Kantona Sarajevo, u skladu sa **ponudom prodavca broj: 08.2-5.2-13176/18-01 od 05.02.2018. godine**, dostavljene po pozivu za ponudom, koja je zaprimljena u Stručnu službu za zajedničke poslove Kantona Sarajevo pod brojem: 17-14-3302 od 06.02.2018. godine. Prodavac se obavezuje izvršiti prodaju proizvoda iz stava 1. ovog člana Kupcu, a Kupac platiti iste proizvode prema odredbama ovog ugovora, a u skladu sa cijenama koje su date u gore navedenoj ponudi, koja je sastavni dio ovog ugovora.

#### **Član 2.**

Prodavac se obavezuje da će isporuku proizvoda iz tačke 1. ovog ugovora izvršiti **franco skladište Kupac.**

#### **Član 3.**

Kupoprodaja proizvoda iz ovog ugovora obaviti će se po cijenama i kvalitetu prihvaćenim u ponudi iz člana 1. ovog Ugovora u iznosu od:

<b>1. „Punjenje za ultra kartice“ (2000 kom. x 8,547).....</b>	<b>17.094,00 KM (cijena bez PDV-a)</b>
<b>2. PDV .....</b>	<b>2.905,98 KM</b>
<b>3. UKUPNO: .....</b>	<b>19.999,98=20.000,00 KM</b>
<b>(cijena sa PDV-om)</b>	

#### **Član 4.**

Isporuka proizvoda iz tačke 1. ovog ugovora izvršiti će se odmah po potpisivanju ovog Ugovora, a nakon ispostavljanja narudžbenice od strane Kupca.

#### **Član 5.**

Kvalitativni i kvantitativni prijem proizvoda iz ovog ugovora Kupac se obavezuje obaviti odmah po prijemu robe. Ukoliko se utvrde kvantitativne razlike, odnosno utvrde se oštećenja primljenih proizvoda ili ako se ustanovi da kvalitet robe ne odgovara traženom opisu (specifikaciji) po pozivu, Kupac će sačiniti komisijski zapisnik kojeg će u roku od 3 dana dostaviti Prodavcu radi prihvatanja ili odbijanja reklamacije uz dostavljanje argumenata za odbijanje iste.

#### **Član 6.**

Ukoliko Kupac ustanovi da kvalitet robe ne odgovara kvalitetu iz ponude, te Prodavca pismeno izvijesti o kvalitativnom nedostatku, Prodavac je dužan da u roku od 48 sati otkloni nedostatke (izvrši zamjenu), a ako to ne učini Kupac zadržava pravo da u roku od 24 sata raskine jednostrano ovaj ugovor i o tome pismeno obavijesti Prodavca, a isporučenu nekvalitetnu robu vrati Prodavcu.

Također, Kupac zadržava pravo jednostranog raskida ugovora ukoliko se utvrdi da Prodavac nije ispoštovano rok isporuke robe.

#### **Član 7.**

Prodavac se obavezuje priznati reklamacije na kvantitet robe koja će biti popraćena odgovarajućom dokumentacijom – zapisnikom uz obavezu navođenja broja i datuma otpremnice i računa Prodavca, kako bi se zadovoljili uslovi reklamacijskog roka od 8 dana.

#### **Član 8.**

Prodavac će fakturisati isporučene proizvode po cijenama iz ponude navedene u članu 1. ovog ugovora, koje su prihvaćene po pozivu za ponudom za nabavku "punjenja za ultra kartice za potrebe Kantona Sarajevo". Također, Prodavac se obavezuje da će fakture za isporučenu robu ispostaviti odmah, a najkasnije u roku od 3 dana od dana isporuke.

#### **Član 9.**

Sastavni dio ovog ugovora su:

- **Odluka o izboru najpovoljnijeg ponuđača broj: 17-14-2733-6 od 08-02-2018. godine,**
- **Ponuda broj: 08.2-5.2-13176/18-01 od 05.02.2018. godine.**

#### **Član 10.**

Kupac se obavezuje platiti fakturu Prodavcu odmah po potpisivanju ovog ugovora, odnosno od dana prijema fakture.

#### **Član 11.**

Ugovorne strane su saglasne da će sve izmjene i dopune ovog ugovora regulisati posebnim ugovorom ili aneksom istog.

#### **Član 12.**

Ovaj ugovor **stupa na snagu danom potpisivanja.**

#### **Član 13.**

Ugovorne strane mogu jednostrano otkazati ugovor pismenim putem, uz iznošenje razloga jednostranog raskida.

#### **Član 14.**


Za sve sporove koje ugovorne strane ne budu mogle riješiti sporazumno, prihvataju nadležnost suda u Sarajevu.

**Član 15.**

Ovaj ugovor sačinjen je u 4 /četiri/ istovjetna primjerka od kojih po 2 /dva/ primjerka za svoje potrebe zadržava svaka ugovorna strana.

**PRODAVAC:**  
**"BH TELECOM" d.d.**

Po ovlaštenju generalnog direktora  
Direktor Direkcije


  
/mr. Kemal Avdagić, dipl.ing.el./

Broj: 408-2.5-304/18  
Datum: 15-02-2018 godine

**KUPAC:**  
**KANTON SARAJEVO**

Stručna služba za zajedničke poslove

Nacelnik

  
/Fikret Jašarević/

Broj: 17-14-2733-8  
Datum: 15-02-2018 godine